

白鶴觀在桂江西岸鶴岡下鶴岡一名飛鶴岡（中略）由白鶴觀南行數百步有二界廟其神爲明初馮克利潯之貴縣人也生而好道一日入山逢八人分金與之不受與以敝衲服之歸預知人事常有青蛇隨之自云道通三界有司以其惑衆覆大鏞燔之二日神色如故時旱甚命之禱雨雨大降治疫疫愈始信其神後遂祀於水西里本朝屢著靈應加封號余入廟瞻謁中祀神左龕西向有青龍右龕東向畫虎像以配之蓋後人附會龍虎之義鄺露赤雅云三界廟一名青蛇廟陸祚蕃粵西偶記亦載馮眞君廟小青蛇云神能遣蛇相護余見青蛇純綠長二尺許盤伏左龕同遊袁君以箸挑而翫之甚馴土人云蛇出入多少無定常以雞子祀之云

栗香隨筆三筆

焉今無其種

府志引一統志

潯州府貴縣山中出飛虎云間歲一見余於潯守處見其皮長尺餘如

黃犬形前一足特豐闊爲翅然其斑紋不似山君

閩敘
粵述

古貝者樹名也其花成時如鵝毳抽其緒紡之以作布布與紵布不殊

亦染成五色織爲斑布

南史海南
諸國傳

古貝草也緝其花爲布粗曰貝精曰氎

唐書南
蠻傳

有司仲春仲秋上戊日祭社稷壇謂之祭官社

咸豐初年石達開弟鎮吉回竄祁石查取家口達開妻已改嫁得其十

歲子而去

以上
梁志

按鎮吉回祁石查取家口一說爲達開叔昌茂回尋其媳之訛詳

見古蹟龔政訪翼王石達開故居記又按臨桂志謂鎮吉達開之

養子

稻本統秈糯而言今南人專以稻之黏者爲糯香者爲秈其餘則皆謂

之占占稻之名想始於秬稻理生玉鏡編云自占城來作飯差硬宋氏使占城珍寶易之以給於民者又爾雅翼稻米粒如霜性尤宜水一名稌然有黏有不黏今人以黏爲糯不黏爲秬別有一種曰秬比秬小而尤不黏其種甚早今人號秬爲早稻秬爲晚稻廣雅則謂秬熟早謂之早稻春種夏收再下種而十月穫者爲晚稻吳都賦云國稅再熟之稻是也貴邑有百日早山東早秋香早等稻播種於驚蟄前插秧於清明時收穫於夏至後晚稻再下種均謂之翻秋

種槐藍

以上梁志

九懷龍山種藍製靛銷售廣東者爲蓼藍若各里種以染布者別有一種槐藍以上梁志諸之種類不一均種於季夏收於孟冬惟一種狀類山諸者在土四時生長不收亦不壞其諸歧生而倍大有紅白色二種俗名牛脚諸或稱大諸春間碎切而覆以土卽漸萌芽稍長其苗緣籬落而上節間有根

垂下不入土纍纍成小諸名諸吊至秋冬在土之諸旁生挺出重可數斤若仍留土中則遞年長大相傳有一廢圃遺落諸種在舊糞池數年間諸繁生與池平闢之得數百斤有大合抱者有長如臂者可供八口之家一月糧今幸三時不害人和年豐倘與鄰里約在村旁度一隙地鋤坑坎百十大如窖每坑種諸秧數莖填以糞土圍以荆棘禁牧牲畜於其間每年春夏間輪門派一丁薅荒一二次通力合作日入即可完功但備不時之需豐年慎勿輕采苟遇歉歲米穀不繼然後會衆掘取計口分食未始非救荒之一道也

潛齋見聞
隨筆續錄

元脫脫真蒙古人延祐間貴州達魯花赤相兀孫妻潯州路守臣達魯花赤亦入哈納武德女相兀孫官貴州聘爲室年十八相兀孫病歿盡鬻奩具買棺以殮誓以死殉飲清水旬日而卒遺囑同葬朝廷旌表仍建碑於儀門

謝氏李上林妻年二十八而寡守節撫孤子甫婚而天媳陸氏時年十

八誓守柏舟克盡婦道與氏均完節而終

以上梁志

清寶鑒撰梁廉夫夫婦重逢花燭徵詩啟 蓋聞雲琅曲奏鏗鏘頌禱

之音露穎花飛焜燿吉祥之篆大抵鋪張設悅揚厲懸弧或青琳碧宇
雙逢上壽以開筵或鸞沼蟾宮重慶登科而織記未有椿枝日煖仍週
繫綵之年護藥風和更值結褵之歲而且一庭鵲起荀家之少長皆龍
三雅鵬騫劉氏之弟兄俱驥人間佳話地上行仙如粵西梁子材封翁
暨德配林宜人者封翁少稱謹厚長擅端方藝黍依蘭羣欽孝友鏘金
振玉夙富才華當綺歲以蜚英遂弱齡而采藻香分桂子門一躍以登
龍績偉粉鄉名屢膺夫薦鶚而先生固辭墨綬樂守青氈就苜蓿之間
曹培菁莪於學府兼以仁心仁術橘井泉甘壽世壽人杏林花滿是又
青囊手錄陸忠宣老而彌精金匱濟時范文正少而有志者已宜人邕

容右族和靖名宗德懋珩璜職優組紉幼嫺詩禮事孀母以承歡伯奉
翁姑相外庭而養志詩賡弋雁淑慎紉蘭書教丸熊恩勤畫荻允矣名
閨令範卓哉當世女宗若其釵砌瑤瑜森森挺峙德門棣萼韡韡齊芳
館三秀以生芝圃三珠而有樹哲嗣輩或青衿拾芥或絳帳明經季君
紫波舍人鴻文射策榮宴飲於瓊林鳳閣垂紳播聲華於粉署加以含
飴舞綵鶴立諸孫玉潤冰清龍乘快壻斯則戚里所傾心遐邇爲之眉
舞者也茲當強圉在亥之年塞如誕佛之日十二月在先生耆英著望偕
宜人嘉禮重逢河鼓天孫鵲橋夙駕木公金母鸞侶申盟白髮婆娑笑
指生煙白璧朱顏鬢鑠依然結體朱絲雙圓綰條脫之環百鍊固歲蕤
之鎖相莊鴻案憶當時曾祝齊眉並駕鹿車羨此日果賡偕老轉鴻鈞
之甲子恰周六十載姻緣綿鳳卜之春秋合得二百年歲月允稱盛事
宜萃雄篇尙冀倚馬高才雕龍妙筆蚤頒珠玉廣惠瓊瑤翡翠千箱齊

煥喬松之色葡萄百軸爭霏穠李之芬將見絹同功粒同根芝同本梨

同心祝罄宜於兕爵日重光月重輪星重輝海重潤續樂府於鸞簪梁志

宋胡宿送譚寺丞守鬱平詩云金契爲州復侍親卻從湖際訪仙村花

垂晚席傾家釀柳拂春車過里門關內已誇新組去浦中仍見舊珠存

名園日涉庭無訟絲管時時薦壽樽文恭集

按宋譚總景祐間知貴州寺丞府志梁志均作殿中丞

明湯顯祖送林貴縣詩云蒼梧猿斷泣湘君人向清潯逗日曛直下寶

江明月影能開二十四峯雲梁志據粵西詩載補編

按明林朝鏞南海人萬曆間貴縣知縣

清胡機潯州感事詩云芝草環生罔極亭瑞松甘露降前庭眉山一老

留題處墓上殘碑蹟宵冥梁詔披肝坦率將雄師兵法從來解用奇誰向

柳江誇膽略登壇老沈沈希儀沈希儀奉母依隣慣作傭朝朝負米竟從

容春暉一自西山落苦向墳前泣古松

孝子

清林有席感貴縣宋節母事爲賦一律云寡鵠朝朝抱兩雛庭前忍淚

博歡娛眉端忽漫分層霧舌本重煩護寶珠

原注節母姑病目日以舌舐之

日月中天嗟

薄蝕滄桑浩劫感凋枯羽儀亦有沖霄願回首萱堂獨倚閭

原注節母子遲新成進士

歸養以
上據梁志

按節母梁氏宋經濟妻見列女

清梁會翹卿李氏婦哀詞并序

婦陳氏女歸李家子伉儷甚篤已而

夫爲盜婦朝夕勸阻不從繼之以哭其黨惡而殺之時丁巳秋九月也

梁子聞而哀焉賦詩以弔其詞曰鴛鴦不獨宿鸞鳳不單棲結髮爲君

婦警曰戒鳴雞茹苦妾所甘貧富理不齊解我紅羅襦脫我綠雲笄典

此嫁時粧粗足供糲藜奈何嘯黨類殺人飽妻兒君不易良圖終當受

誅夷妻言益親切夫心轉沈迷沈迷不復悟情好日以離朝夕哭聲悲

反脣遂勃谿頓觸豺虎怒鼓浪揚鯨鬐排闥紛喧呶握刃爭推擠頃刻
桃李花玉碎委沙泥哀鳴動里巷里巷反見嗤夫壻厭梁肉何苦多怨
咨不見東隣婦珠翠耀房帷丈夫意氣豪駿馬長街嘶誰言盜泉污盜
泉甘如飴猗嗟賢婦心爾曹那得知我聞燕樂羊激勸由蛾眉又聞齊
御夫諷諫悟蝓蟻至今光史冊藉藉賢聲垂汝獨罹凶害殺身蒙詆訾
嘆息古今人人心何相歧

據梁志

梁志按陳氏城廂人夫李亞交從賊氏強諫爲賊黨所害見列女
太平天國後期制錢縣人姜世忠藏攷太平天國制錢別爲二種初期
者面文曰太平通寶幕之上端有新月形下鑄日月字合爲明字後期
者面文曰太平天國幕鑄聖寶二字簡又文近編太平天國雜記附有
摹印錢文與世忠所藏者正同

耕柯精舍類稿

康熙二年甲辰冬巡撫金光祖巡行本縣詢悉民艱題除荒米四千六

百石有奇又減鹽引過半

李志

藉田四畝九分在城外北廂先農壇前歲入穀十石五斗

梁志據通志

貴縣疆域廣一百一十八里袤一百一十五里

民國二十二年廣西各縣概況

舊志序跋題名

梁志夏序

敬頤莅守三年獲徧接此邦賢士大夫蓋罔不勤勤綷綷樂與圖治所以匡助之者未可更僕言如頃修之府志其一端也府志議修經歲比舊夏甫設局採纂因徵乘屬邑而貴縣僅存康熙年間李君彬所輯逸編距今且十世寥遠缺略病其未足據依嘗從容以重修語邑令王君聽彝王君任之甚力旣邑紳陳孝廉芝誥梁廣文吉祥來郡與敬頤商榷修府志例綦悉且言擬及時并邑志成之敬頤佩其任事之果而尤於夙心默契亟捐廉以爲之先顧竊意雖有舊編事同草創匪易剋期卒業也越明年孟夏展梁廣文貽書并附志稿八卷蓋陳孝廉方赴試禮部採訪編纂廣文之力居多因問序於敬頤引其鄉賢施公才道德一風俗同之語謂今日復驗敬頤旣悚不敢承而獨嘆廣文奏功之驟

爲不可幾及也而尤嘉大令與兩君暨林廣文永徵之疎財急公如此其摯也全書本鄭先生獻甫纂象州志例而增以紀事紀文隸事詳審釐然各當闡發二百年之潛德網羅卅六里之佚聞時府志寢已就編而商析不無有待資此考鏡所益良多然則任事之勤奏功之速傾廣文而滋自慚已若夫道一風同固守令道齊之責亦賴邦之賢士大夫樂於匡助如諸君者其庶乎可跂而跂焉敬頤不文而誼不可諉用質言以叙其緣起如此云光緒二十年歲次焉逢敦牂余月二品頂戴鹽運使銜補用道知潯州府事新建夏敬頤書

梁志王序

治一邑難志一邑尤難勘一邑之志難卽修一邑之志亦未嘗不難人繁事蹟代遠年湮文獻尠徵每多訛舛則採訪難朝邑武功志之最善後人評論尙云未精則纂修難設局輯述須多寫官暨鋟鐫行厥費宜

庀則又籌款難具此三難事之欲興旋輟者比比矣仁鍾於今歲二月來權貴縣篆治事少暇卽詢志書邑中諸君子爲言志成於康熙初迄今逾二百載中屢兵燹版已無存不及茲重修後此更難爲役且潯州郡守新建夏公方議修府志若同時並舉庶事半功倍仁鍾因請於夏公公欣然畀以鉅款仁鍾復捐廉以爲之繼陳孝廉芝誥梁廣文吉祥林廣文永徵亦各醵金且分任採訪纂修之事將向之所謂難者至是可不再終於難矣秋七月開局諸君即秉筆其間網羅散佚發闡潛幽疆域山川胥沿其舊人物建置各有所增半載以來規模駸備而仁鍾適將受代弗及俟書之成惟深幸廢墜之修不至以難見阻爰舉夏公提倡之雅諸君子執事之勤略述數言用志緣起光緒十九年癸巳十二月署縣事吳縣王仁鍾謹序

梁志陳序

聞之周禮外史掌四方之志夫志莫重於風俗風俗莫重乎人心鄉之人有善有惡世變迭遭善惡益著不明晰以別之將善者不樂於爲善惡者將繼於爲惡而於風俗人心關係匪淺雖然揚善隱惡志之體例也大書特書有傷忠厚唯於善雖小亦書惡則書大者其小者置諸不擬不論是亦仁人君子善善從長之一道也貴縣之志前代有無不可考矣可考者自李曾二先生同輯康熙志始然書久散佚僅得四十頁漏略亦多咸同間又經兵燹竟得留遺以至於今一若鬼神呵護有此一綫之延否則更茫然無所據矣其間歷二百餘年鄉先輩不乏通才其欲纂修者不知凡幾事竟不果同治間修省志大府檄列郡同時並舉郡伯魏公篤遂修府志四邑皆有所採倉猝集事舛漏失實閱者病之歲甲戌余奉諱歸里欲修縣志以彌其闕旋有倭奴臺灣之警檄調旋浙事又不果光緒癸巳郡伯夏公敬頤再修府志簡招梁崧生司鐸

吉祥次兒芝誥襄其役二人請諸夏公以先邑而後郡較易採擇邑侯王司馬仁鍾亦聽其言各割俸助焉是秋七月設局重輯採訪諸事次第就緒而芝兒赴試南宮梁君竟一力歲事哀輯成帙錄稿郵寄并索余序言余里人也誼不敢辭整襟而讀之喟然嘆曰縣之有志猶國之有史也修史者一朝有一朝之典章一代之實錄春秋筆削褒貶維嚴因革損益足以示天下後世法若夫縣志鄉評之書也或數十年而一修或百數十年而一修山川無恙時代屢更攷獻徵文類多殘闕兵燹之餘一鄉之善善惡惡尤未易備載其操筆者不綦難乎其難哉茲志也本鄭先生獻甫纂象州志事例四綱外增紀事紀文二綱凡李曾舊志之缺者補之略者詳之後事則據訪斟酌而續之攷古論今博觀慎取綱舉而目張文直而事覈無因陋就簡之弊無飾名媚俗之爲要以正風俗勵人心爲本使後之覽者善有所感惡有所誠信乎鄉

人之好惡爲不誣誠一邑之信史也抑余更有感者昔甲戌欲修志而倭釁起越二十一年甲午志成而倭釁又起天下事不可知而吾邑人士當互爲勸勉有鑒前車無事則耕讀相安有事則守望相助余浙江筮仕匏繫一官蒿日時艱焦憤交集故鄉在望依戀彌深今徇崧生之請撥冗以書邑乘他日倭平又濡筆書時事以當外史則幸矣光緒二十年歲次甲午嘉平月旣望邑人陳璠謹敘

梁志陳跋

壬辰冬十月余由浙回里道經郡城謁太守夏公敬頤談次首以修郡志相告且屬余襄成其事余固辭不獲謹應之癸巳秋七月夏公致函王邑侯仁鍾招余與梁崧生司鐸吉祥赴郡議修郡志因同崧生行且約林芝巖司鐸永徵李立成司馬卓揚偕焉晤夏公知欲邀余與崧生坐志局受分修之任酌送薪水銀二百元余謂邑志如穀郡志如米穀

不淨則米不精欲修郡志先修邑志勢也亦理也惟貴邑頻年荒歉水火相侵物力維艱礙難籌款不如將余二人薪金歸入修志局作爲修輯經費先行開辦續次籌貲而余與崧生仍回邑採訪修邑志即分修郡志也夏公亟稱善遂交薪水銀二百元且增火食銀五十元與余等歸八月朔抵里晤邑侯并勸邑侯捐百金余體家嚴意代捐百元梁林李諸君亦樂捐有差遂於初十日開局採訪在事各紳不支薪水僅延善書數人以備鈔錄實心任事不避怨不徇情採訪各條愜以公論閱十二月而書成是年終余以應南宮試先須赴杭省親坐局修志爲日無多僅能與崧生芝巖及各紳耆等將大綱條目酌定而纂修去取實崧生任其勞甲午秋崧生將稿本寄杭請叙於家君並囑余跋數語以紀其真因確志緣起如此俾後之覽者知重修邑志之功實始於夏公成於崧生而余等不過因人成事云爾陳芝誥